

SULERIAASISSAQ

Teknikkeqarnermut Avatangiisinullu Ataatsimiititaq

Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersumi § 24 aamma § 25 naapertorlugit, tulliuttuni aqutsinermut inatsimmi taaneqartumi, aalajangersarneqarpoq:

Ataatsimiititap sulinera

- § 1. Aqutsinermut inatsit aamma Kommuneqarfik Sermersuumi Aqutsinermut ileqqoreqqusaq naapertorlugit, ukiumoortumik missingersuutini killiliussat iluini akuersissutigineqartut, kommunalbestyrelsillu akuersissutigisai naapertorlugit ataatsimiititap susassaqarfiit suliakkiutigineqartut isumagissavai. Ataatsimiititaq suliani, inatsit naapertorlugu aamma ataatsimiititamut suliakkiutigineqartunut aalajangiisassaaq.

Siulittaasussamik tullissaanillu toqqaaneq

- § 2. Ataatsimiititaq nutaamik qinerneqartoq piffissap suliffiusussap aallartinnginnerani inissitsiterfiusumik ataatsimiissaaq. Ilaasortaq sivisunerpaamik kommunalbestyrelsimit ilaasortaasimasoq ataatsimiinnissamut ataatsimiigiaqqusisuussaaq. Arlallit sivisoqatigiimmik ilaasortaasimappata, taakkunannga angajulleq ataatsimiigiaqqusisuussaaq.

Imm. 2. Inissitsiterfiusumik ataatsimiinnermi ataatsimiititami namminermi siulittaasumik amerlanerussuteqarnikkut qinersisoqassaaq, aqutsinermut inatsimmi § 27, imm. 1 naapertorlugu. Qinersineq ataatsimiinnissamut qaaqqusisumit ingerlanneqassaaq.

Imm. 3. Siulittaasumik qinersisoqareerpat, ataatsimiititap aalajangissavaa siulittaasup tullianik qinersisoqassanersoq. Taamaattoqassappat qinersineq siulittaasumit aqunneqassaaq, taannalu pisinnaanngippat, siulittaasumik qinersinermi aqutsisoq qinersinermik aqutsissaaq. Qinersineq siulittaasumik qinersinermi malittarisassat assingi malillugit ingerlanneqassaaq.

Imm. 4. Siulittaasup sivikitsumik ataatsimeeqataannginnerani siulittaasup tullia ataatsimiinnermi aqutsisuussaaq. Siulittaasup sinniisussaa ataatsimiigiaqquneqarpat, taanna ataatsimiititami ilaasortatut inississaaq.

Imm. 5. Qinigaaffiup naannginnerani siulittaasoq tunuassappat, imm. 2-mi periuseq nassuaatigineqartoq naapertorlugu, ataatsimiititaq siulittaasussaminik nutaamik qinersissaaq.

Imm. 6. Ataatsimiititap siulittaasua ataatsimiititap ataatsimiinnerini najuulluni peqataanissamut periarfissaqarpoq. Angalanermut ineqarnermullu aningaasartuuteqassappat, kommunimit aningaasartuutit isumagineqassapput.

Ataatsimiititaliap ataatsimiittarnissai

§ 3. Ataatsimiititap sulinini ataatsimiinnerni ingerlatissavaa. Ataatsimiititap ataatsimiinneri matoqqasuupput.

Imm. 2. Ataatsimiititap ataatsimiittarnissamini piffissaq nammineq aalajangersassavaa.

Imm. 3. Pisariaqavissumik ataatsimiinnissanik kinguartitsineq aammalu immikkut ittumik ataatsimiinnerit pisassapput siulittaasup pisariaqartikkaangagu, imaluunniit ikinnerpaamik ilaasortat pingajorarterutaasa tamanna piumasarigaangassuk. Immikkut ittumik ataatsimiinnerit sabinngisamik piumasaqaatigineqarneranit kingusinnerpaamik ullut tallimat qaangiunnerini pisassapput. Siulittaasup aalajangertassavaa immikkut ittumik ataatsimiinnissat qaqugu sumilu pinissaat.

Imm. 4. Ilaasortaq ataatsimeeqataasinnaanngippat, ilaasortap sinniussuaa ilaasortap ataatsimeeqataasinnaannginnersa tamaat ataatsimeeqataasassaaq.

Ilaasortaq ataatsimiititap ataatsimiinneranut peqataasinnaanngikkuni tamanna ataatsimiititami siulittaasumut allakkatigut sabinngisamik piaartumik nalunaarutigissavaa taassumalu assinga ataatsimiititami ataqtigiiissaarisumut nassiullugu uunga kommuneqarfik@sermersooq.gl, aamma kingusinnerpaamik ataatsimiinnissaq ullunik marlunnik sioqquillugu, tamanna ajornanngippat, peqataasinnaannginnersmut pissutaasoq kiisalu peqataasinnaannginnerup sivisussusia nalunaarutigissavai.

Imm. 5. Matumani peqquteqarluni peqataasinnaannginnermi makku pineqarpuit napparsimaneq, naartuneq, ernineq, meeravissiartaarneq, inuiaqtigiiinni sullisisussaatitaalluni pisussaaffligaaneq, inuutissarsiutini assigisaalluunniit.

Imm. 6. Ataatsimiinnerit ataasiakkaat tamaasa aalajangiinernut imaqarniliornerni ilaasortat kikkut peqataasimannnginnerat aamma sinniisoq kina paarlattaalluni peqataasimasinnaasoq pillugit allanneqartassapput.

Imm. 7. Sinniussap ataatsimiigiaqquneqarnissaa kissaatigineqarpit ilaasortap allakkatigut ataatsimiititami ataqtigiiissaarisooq mailimut uunga kommuneqarfik@sermersooq.gl nalunaarfigissavaa.

Imm. 8. Kommunaldirektørip ataatsimiititallu imaqarniliortuata ataatsimiinnerit najuuffigissavaat, ataatsimiititaq allamik aalajangiisimannngippat. Ataatsimiititaq isumaqarpit suliamut tunngatillugu paasissutissiissuteqartoqassasoq, inuit allat, kommunimi atorfeqartut, ataatsimiinnermi najuussinnaapput.

Imm. 9. Ataatsimiititap kommunimi sulisuunngitsunik suliap sularinerani aggersaasinnaapput, suliap paasissutissiiffiginissaanut tamanna kissaatigineqarpit.

Ogaluuserisassat suliallu saqqummiunneqarneri

§ 4. Ataatsimiititap siulittaasua ataatsimiinnissamut ogaluuserisassaliussaaq, ilaasortanillu ataatsimiinnissamut ataatsimiigiaqqusilluni. Illeqqusumik ataatsimiinnissanut ogaluuserisassat aammalu suliad sularineqarnissaannut paasissutissat pisariaqartut sabinngisamik ataatsimiititamut ilaasortanut ataatsimiinnissaq kingusinnerpaamik ulluinnarnik tallimanik sioqquillugu nassiunneqassapput.

Oqaluuserisassat ilangussallu politikerit isaavianni elektroniskiusumi pissarsiarineqarsinnaapput, atortorissaarut taanna aqqutigalugu politikerit ataatsimiinnerni atugassaat passunneqartarpuit.

Imm. 2. Immikkut ittumik ataatsimiinnissamut ataatsimiigiaqqusinermi siulittaasoq suliassanik ataatsimiinnermi suliarineqartussanik sapinngisamik annertunerpaamik ilaasortanut ilisimatitsissuteqassaaq.

Imm. 3. Ilaasortaq kinaluunniit ataatsimiinnerup aallartinnerani ullormut oqaluuserisassani oqaaseqarumasinnaavoq.

Imm. 4. Aalajangiussassatut siunnersummik oqaluuserisassat nassiunneqareernerisa kingorna aatsaat nassiussisoqassagaluarpat, oqaluuserisassanulli ilanngunneqarsinnaasumik, tapiliussatut oqaluuserisassannortinneqassaaq, taannalu oqaluuserisassat nalinginnaasumik nassiunneqartarnerisulli malittarisassat assingi malillugit ilaasortanut nassiunneqassaaq. Tapiliussatut oqaluuserisassanik nassiussinerni immikkoortoq imaluunniit immikkoortut ileqquusumik ataatsimiinnermi oqaluuserisassani ilanngunneqarsimanningerannut tunngavilersuutit tamatigut ilanngunneqartassapput.

Imm. 5. Suliaq ileqquusumik oqaluuserisassanut imaluunniit oqaluuserisassanut tapiliussatut ilanngunneqanngitsoq suliassaq kinguartinneqarsinnaanngippat suliarineqarsinnaavoq.

Imm. 6. Suliat, ataatsimiititamut saqqummiunneqannginneranni naammattumik erseqqissarneqarsimanersut, siulittaasup nakutigissavaa.

Kommunalbestyrelsimum ilasortat oqaluuserisassannortitsisinnaatitaanerat

§ 5. Ataatsimiititamut ilasortaq kinaluunniit ataatsimiititap susasaqarfii pillugit Ataatsimiititamut suliassannortitsisinnavoq. Oqaluuserisassannortitsineq § 4 naapertorlugu pisassaaq. Suliaq oqaluuserisassannortinneqarpat, suliap suliareqqinnissaa pillugu Ataatsimiititamut ataatsimiinnermi aalajangiissaaq. Aalajangiussassatut siunnersuutit ilanngunneqarsimasunut aamma tamanna atuuppoq.

Imm. 2. Ilaasortap suliamik oqaluuserisassanut ilangussinissamik kissaatigisaanik Ataatsimiititaq itigartitsissinnaavoq, suliaq siusinnerusukut Ataatsimiititap suliarisimasaanut assingusuuppat. Itigartitsinerli pisinnaanngilaq suliami paassisutissanik nutaanik peqarpat, imaluunniit oqaluuserineqarnerani kingullermi tunngaviatigut annertuumik allannguuteqartoqarsimappat.

Imm. 3. Ilaasortap siunnersuutaa Ataatsimiititap tulliani ataatsimiinnissaa sioqqullugu Pisortaqatigiit Allatseqarfianut mailikkut uunga nassiunneqassaaq kommuneqarfik@sermersooq.gl piffissaalluartillugu tunniunneqassalluni, suliami paassisutissat aamma Ataatsimiititamut inassuteqaasiornissaq siunertalaralugit. Ilaasortaq ataatsimiinnissaq kingusinnerpaamik ulluinnarnik 12-inik sioqqutsilluni suliassamik allakkatigut oqaluuserisassannortitsiumasimappat, suliassaaq ataatsimiititami siulittaasumit ataatsimiinnissamut oqaluuserisassanut ilanngunneqassaaq.

Aalajangiisinnaatitaaneq, ataatsimiinnermik aqutsineq suliallu saqqummiunneqartarnerat

§ 6. Ataatsimiititaq aalajangiisinnassuseqarpoq ilaasortat ikinnerpaamik affaat peqataappata (aqutsineq pillugu inatsimmi § 28, imm. 1 naapertorlugu). Aalajangiinerit tamarmik amerlanerussuteqarnikkut aalajangerneqartassapput.

Imm. 2. Ataatsimiititap ataatsimiinnersi siulittaasumit aqunneqassapput. Siulittaasup peqannginnerani ataatsimiinneq siulittaasup tullianit aqunneqassaaq, imaluunniit siulittaasup tulliata peqannginnerani ataatsimiititami ilaasortap kommunalbestyrelsimit sivisunerpaamik ilaasortaasimasup ataatsimiinneq aqussavaa, imaluunniit, arlaqartut sivisoqatigiimmik ilaasortaasimappata

Ataatsimiinnersi aqutsisup isumaqatiginniniarnerup aqunneqarneranut apeqqutit tamaasa aalajangiiffigisassavai. Ilaasortaq kinaluunniit ataatsimiinnersi aqutsisup suleriaatsimi aalajangersakkanik paasinnissinnaaneq tunngavigalugu aalajangiineranik malinnissinnaatitaagallarpoq.

Imm. 3. Suliat siulittaasup tulleriaarinissamik aalajangiinera naapertorlugu suliarineqassapput, taamaasillunilu oqaluuserisassani tulleriaarisimaneq sanioqqutssissinnaallugu. Kisianni, ataatsimiititami ilaasortap ataatsip kissaatigippagu, suliat qanoq tulleriaarneqarlutik suliarineqassanersut, ataatsimiititap aalajangissavaa.

Imm. 4. Siulittaasoq, aqutsinermut inatsimmi § 27, imm 2 naapertorlugu, ataatsimiititaq sinnerlugu sulianik kinguartinneqarsinnaanngitsunik, imaluunniit nalornissutaasinnaanngitsuni, aalajangiisinnatitaavoq.

Imm. 5. Immikkoortut taassisutigineqartussat siulittaasup oqaasertalersussavai.

Imm. 6. Ilaasortaq kinaluunniit, aqutsinermut inatsimmi § 27, imm 3 naapertorlugu, siulittaasup ataatsimiititami sulinera pillugu sunillunniit apeqquteqaateqarsinnaatitaavoq, aammalu ataatsimiititap paasissutissanik piumasaqaataanik tamanik siulittaasoq paasissutissiissaq. Siulittaasoq sutigut tamatigut ataatsimiititap aalajangersimasaanik naapertuisussaatitaavoq.

Imm. 7. Ataatsimiititami ilaasortaq kinaluunniit aqutsinermut inatsimmi § 30 naapertorlugu, ataatsimiinnersi aalajangerneqartumik unitsisinsinnaatitaavoq, ataatsimiinnersi, aalajangernissaq communalbestyrelsimit aalajangiiffigisassanngortillugu aalajangiinermut imaqlaniliamut nalunaarutigalugu.

Imm. 8. Ilaasortap ataatsimiititami siulittaasoq ilisimatittassavaa pissutissaqarpat suliani aalajangersimasuni suleqataasinnaanerminut apeqqutinngortitsisinnaasunik. Aqutsinermut inatsimmi § 38 naapertorlugu ataatsimiititami aalajangerneqartassaaq ilaasortaq imatut soqtigisaqarnersoq, ilaasortaq ataatsimiititap suliamik suliarinninnerani peqataasinnaannginnersoq imaluunniit peqataasinnaanersoq. Taama ittoqartillugu pineqartoq suliaq pillugu isumaqatigiinniarnermi taasinermilu ataatsimiiffimiit anissaaq taamaattorli suliap pineqartup eqqartorneqarnerani ilaasortaq anissanersoq pillugu ataatsimiititap isumaqatigiinniarnerani taasinieranilu peqataasinnaalluni.

Imm. 9. Ilaasortat sinniisussallu ataatsimiititami taasinerni aatsaat peqataasinnaapput, najuullutik ataatsimeeqataagunik imaluunniit tele attaveqaatit ikorsiullugit ataatsimeeqataagunik, aqutsinermut inatsimmi § 28, imm 1 naapertorlugu.

Imm. 10. Oqaluuserisassat, oqaluuserisassatut siunnersuutit paasissutissallu kommunimi allaffeqarfimmit suliarineqarsimasut kalaalisut qallunaatullu suliarineqarsimassapput, ilanngussat allallu paasissutissat kommunip avataanit suliarineqarsimasut taakku oqaasii atorlugit suliarineqarsimanerisut saqqummiunneqassapput.

Aalajangernerit pillugit imaqarniliaq

§ 7. Ataatsimiititap siulittaasuata akisussaaffigaa, ataatsimiititami aalajangerneqartut aqutsinermut inatsimmi § 28, imm. 3. naapertorlugu aalajangernermut imaqarniliamut allanneqarnissaat. Ilanngunneqartut atuarneqareerpat imaqarniliaq ataatsimiinnej naammassippat ilaasortanit ataatsimiinnerni najuuttunit akuerineqassaaq atsiorneqarlunilu. Atsiornerit sapinngisamik politikerit isaaviat elektroniskiusoq aqqutigalugu pisassaaq, taanna politikerit ataatsimiinnerni atortussaannik isumaginnittuuvog. Ilaasortaq ataatsimiinnej tamakkerlugu ataatsimeeqataasimannngippat, imaqarniliamut allanneqassaaq, immikkoortuni sorlerni ataatsimeeqataasimannnginnersoq, piffissallu qanoq ilinerani ataatsimeeqataasimannnginnersoq.

Imm. 2. Suliap qanoq ittuussusaa apeqqutaalluni, imaqarniliami allanneqassaaq, ilisimatitsissutit tusaatissatut tiguneqartut, oqaluuserisassat oqaluuserineqartut imaluunniit aalajangiiffigisassani ataatsimiititap aalajangiinera.

Imm. 3. Ilaasortaq kinaluunniit allatut isumaqaruni imaqarniliamut allattaavimmut allaanerusumik isummaminik allaqqusisinnaatitaavoq. Naatsumik oqaaseqaateqarneq titarnernik 3-4-nik nalilerneqarpoq. Ilaasortap taassuma suliap nassiunneqarneranut ilanngussinnaavaa isummernerminut tunngaviliussani (aqutsineq pillugu inatsimmi § 25, imm. 4 naapertorlugu). Ikinnerussuteqarluni oqaaseqaatigiumasat ilaasortamit oqaasertalersorneqassapput ullanlu taanna mailikkut imaqarniliortumut nassiullugit.

Imm. 4. Ilaasortaq taasisimanini allamilluunniit peqquteqarnini innersuussutigalugu, aalajangernermut imaqarniliamut atsiorumanngissinnaavoq.

Imm. 5. Siulittaasup aalajangernernut imaqarniliap toqqorneqarnissaa qulakkiissavaa, ataatsimiinnerlu naammassereerpat piaarnerpaamik ataatsimiititami ilaasortat sinnerinut aammalu imaqarniliamik tunineqartussaatitaasunut assinganik nassiussinissaq qulakkiissallugu.

Nipangiussisussaatitaaneq

§ 8. Ataatsimiititami ilaasortat nipangiussisussaatitaapput, tamanna pillugu inatsimmi malittarisassat naapertorlugit.

Imm. 2. Ataatsimiititap ataatsimiinneri matoqqasuupput, eqqartorneqartullu allamut ingerlateqqitassaanngitsutut isigineqarput. Ataatsimiititap aalajangerneri tamanut nalunaarutigineqarsinnaapput, kisianni paasissutissat nipangiussisussaatitaanermut tunngasut pinnagit.

Imm. 3. Ilaasortaq kinaluunniit paasissutissiisinnatitaavoq, nammineq qanoq oqaaseqarsimanerminik taasisimanerminillu, nipangiussisussaatitaanermut tunngasut kisiisa pinnagit.

Ataatsimiititap aalajangernerinik suliaqarneq piginnaatitaaffinnillu agguassineq

§ 9. Siulittaasup qulakkiissavaa ataatsimiititap aalajangernerisa naammassineqarnissaat.

Siulittaasup nakkutigissavaa, suliad arlaannaalluunniit pisariaqanngitsumik kinguarsarneqassanngitsut.

§ 10. Ingerlatsiviup siulittaasullu aalajangiisinnaatitaanerat ataatsimiititami aalajangiisoqarneratigut agguataarneqassapput, aammalu inatsimmi atuuttumi malittarisassat malinneqassapput.

Imm. 2. Ataatsimiititami isumaqatigiinnikkut suliad aalajangersimasut imaluunniit suuneri apeqqutaatillugit siulittaasumut suliakkiutigineqarsinnaapput. Ataatsimiititaq ataatsimiititami ilaasortanut allanut/kommunalbestyrelsimut siulittaasup saniatigut piginnaatitsisinnaatitaanngilaq.

Imm. 3. Ataatsimiititaq amerlanerussuteqalaarnikkut suliassanik aalajangersimasunik suunerilu apeqqutaatillugit ingerlatsivimmut suliakkiuteqarsinnaavoq.

Imm. 4. Ataatsimiititami siulittaasumut ingerlatsivimmullu piginnaatitsilluni aalajangernerit allattorsimaffimmut immikkut nalunaarsorneqartassapput. Allattorsimaffimmi erseqqissumik allassimassaaq, suliassat suut siulittaasumut aammalu suliassat suut ingerlatsivimmut piginnaatitsissutigineqarsimanersut. Aamma allassimassaaq ulloq suna aalajangertoqarnersoq, taamaasilluni suliaq ajornanngitsumik nassaarineqarsinnaaniassamat.

Suleriaasissami allannquutit

§ 11. Suleriaatsimi allannquutit tapiliussallu ataatsimiititap ileqquusumik ataatsimiiffissaani oqaluuserineqassapput.

Atuutilersitsineq

§12. Suleriaasissaq aggustip 13-iani 2025-mi atuutilerpooq.

Teknikkeqarnermut Avatangiisinullu Ataatsimiititap ulloq aggustip 13-iani 2025-mi ataatsimiinnerani akuersissutigineqarpooq.


Teknikkeqarnermut Avatangiisinullu Ataatsimiititami Siulittaasoq